

blice in banno misit Ravennates, Ariminenses, Poplienses, Bretenorienses, exceptis Liviensibus, qui nostri tunc, non re, sed nomine, videbantur amici, ad cuius concionis strepitum et rumorem, dum concinator [a] ad metam veniret, fuit ingens ad sidera clamor et vastis repletur vocibus aer: Conclamant omnes: ut iubes, sic faciemus. Hoc Ravennates et Livenses audito, qui ab eis fere per duo distabant miliaria, in fugam omnes, relictis curtib[us], conversi sunt. Procedente vero tempore parvo, in vigilia sancti Bartholomaei, equitaverunt Faventini ad faciendum eorum fossatum inter Pratam et Fossolam, ad derivandas aquas [b] superfluas; ad eorum venientibus servitium, post multas dilationes, CC militibus Bononiensibus et LX balisterijs [c], die martis veniente [d], relicto eorum fossato, summo mane Rafanariam, quae duplicibus muris et foveis magnis erat circumdata [e], cum manganis, balistis atque aliorum tormentorum generibus obsederunt hostiliter. Videntes Ravennates, quod castro succursum praebere nequirent, nec eorum aliter possent sedare dolorem [f], Liviensibus cccccc [g] libras Ravennates apud plebem Sancti Martini in Barixano [h] [A] dedere, ut [i] per eorum domum [j] una cum Liviensibus et aliis eorum amicis ignem in burgo Faventino possent apponere [k], et amicitiam, quam cum Faventinis videbantur habere, possent dirimere, et apud dictam obsidionem separare; quod profecto omnium malorum sequentium Liviensium fuit [l] initium. Die vero Sabbathi, burgum intrantes Durbecci [m], in domibus ignem apposuerunt, ibidem praelio cum sacerdotibus et mulieribus commiserunt: in quo praelio multi ceciderunt [n] capti, vulnerati ac interfecti. Faventini vero, more leaenae [o] catulos educantis, geminant vires et castro acrius instant. Sexto vero die septembris, de dicto castro plenum habuere triumphum [p]; in quo quidem castro captus fuit dominus Anastasius et dominus Ieremias de Polenta, alii quinquaginta quatuor cum domino Ugolino de Corbis. Nam prius praedonum, bannitorum, latronum receptaculum fuerat, et ideo Tomesis (sic) effracta jacens [q] infelix nata supina; Iustior in terris numquam fuit ulla ruina. Iterum: Ecce iaces meritis arida facta tuis. Inceperunt illico Faventini magis offendere Livenses; nam bis in septimana usque Fractariam equitabant, eorum vineas et arbores et segetes

[a] concinator, C. V.; concinator, C. M. — [b] ad derivandas aquas, C. M.; ad decimandas aquas, C. V.; ad dirimendas aquas, C. A. — [c] ad eorum venientibus servitium, post multas dilationes, CC militibus Bononiensibus et LX balisterijs. Sic lego ipse. Cod. M. habet: ad eorum veniente servitium, post multas dilactationes, CC milites Bononienses et LX balisterios. — [d] die martis veniente, Codd. M. et A.; die nativitat[is] veniente, C. V. — [e] et foveis magnis erat circumdata. Sic ex Codd. A. V. et M.; et foveis et stagnis erant circumdata, legit cl. Mitt. — [f] sedare dolorem, C. M.; sedare coleram, C. A.; sedare calorem, C. V. — [g] cccccc. Sic C. M.; sexcentum, C. V. — [h] in Barixano, C. M.; in Barzano, C. A.; in Battixano, C. V. — [i] dedere ut, C. M.; dederunt ut, C. A.; debere ut, C. V. — [j] per eorum domum, Codd. M. et V.; pro eis demum, C. A. — [k] possent apponere, Codd.; possent opponere, legit cl. Mitt. — [l] Liviensium fuit, C. M. Deest, Liviensium, in reliquis Codd. — [m] intrantes Durbecci, C. M.; intrantes Durbecchi, C. V. — [n] multi ceciderunt. Haec sunt ultima verba codd. Manfrediani; nam hic desinit, deficientibus aliquot foliis, quae finem huius historiae continebant. In C. V. ad hunc locum, media in pagina, haec verba inscripta invenio: Reliqua desiderabantur, sed postmodum reperta sunt, et sequenti pagina scripta. Sed nobis iterum dolendum est, eadem ipsa, culpa nescio qua, desiderari in C. M. Deinceps igitur reliqua persequar ex Cod. Viaraneo, et simul utar fragmentis C. A. ubi res postulaverit. Sed uterque codex mendis scatet. — [o] more leaenae, C. A.; more leonis, C. V. — [p] de dicto castro plenum habuere triumphum, C. V. In C. A., sic: dictum castrum cum turri et erubula (sic), et murorum multitudine destruxerunt funditus, et de intrinsecis clausis plenum habuerunt triumphum. — [q] effracta jacens, C. V.; effracta jaces legendum eura fa jaces, C. A.

Carlemar - faciemus
signis factis ab Marbozi
Scribam!

Aug. 23

++

leonis

triumphum Sept. 6

Jeremia et alios

2

2) Ead.

Armenia

El. xl. co.

no 13/16

Orn. 100

++ Non finit ab Maribantur aut C. V. (=Codex Viaraneo - Tasi in Faenza Bibl. Com. Nr. 282)
mit Christi am Rand notiert.

Lyons 1926

F. Güterbock.